

宋
名
家
詞

丹陽詞

目錄

江神子 一調

蝶戀花 二調

臨江仙 一調

漁家傲 二調

鷓鴣天 二調

點絳脣 一調

行香子 一調

訴衷情 一調

水調歌頭 三調

木蘭花 一調

滿庭霜 一調

醉蓬萊 一調

西江月

二調

南鄉子

一調

浣溪沙

一調

西江月

二調

蝶戀花

二調

臨江仙

一調

定風波

二調

浣溪沙

三調

瑞鷓鴣

一調

浪淘沙

一調

驀山溪

三調

西江月

四調

浣溪沙

一調

虞美人

二調

瑞鷓鴣

一調

鵲橋仙

一調

江城子 二調

蝶戀花 一調

南鄉子 二調

減字木蘭花 一調

臨江仙 二調

減字木蘭花 二調

虞美人 一調

鷓鴣天 一調

西江月 一調

浪淘沙 一調

鷓鴣天 二調

木蘭花 一調

醉花陰 一調

浣溪沙 二調

臨江仙 二調

浣溪沙 一調

鵲橋仙

一調

臨江仙

一調

蝶戀花

三調

浪淘沙

三調

丹陽詞目錄

終

丹陽詞

宋 葛勝仲

江神子

初至休寧
冬夜作

昏昏雪意慘雲容
獵霜風歲將窮
流落天涯顛
顛一衰翁
清夜小窗圍獸火
傾酒綠借顏紅
官梅疎豔小壺中
暗香濃
玉玲瓏
對景忽驚身
在大江東
上國故人誰念我
晴嶂遠
算雲重

蝶戀花

二月十三日同安
人生日作二首

雨後春光濃似醉著柳催花節物侵龍忌繡褱
香閨當日珮紫蘭宮墮人間世 歌管停雲香
吐毵碧酒紅裳共祝魚軒貴天上阿環金籙秘
龜鶴共壽三千歲

又

共樂堂淡簾不捲惻惻寒輕二月春猶淺續壽
競來歌舞院龍涎香襯鮫綃段 画棟朝飛雙
語燕端似知人著意窺金盞柳外花前同祝願

朱顏長在年齡遠

臨江仙

尉姜補之託
疾臥家作

郊外黃垓端可厭
歸來移病香閨象床珍簾共
委蛇耆婆尋草盡
天女散花遲
小雨作寒秋
意晚簷聲與夢相宜
冷侵羅幌酒煙微
試評書
五朶何似畫雙眉

漁家傲

初創真意亭于南
溪遊陟晚歸作

崑崙縈回雲水窟
林深路斷迷煙落
蒹葭數椽

攜杖舄人寂寂侵簷萬箇琅玕碧 倦客羈懷
清似滌更無一點飛埃迹溪漲漫流過几席寒
澌澌鳧鷖點破琉璃色

又

疊疊雲山供四顧簿書忙裏偷閑去心遠地偏
陶令趣登覽處清幽疑是斜川路 野蔌溪毛
供飲具此身甘被煙霞痼興盡碧雲催日算招
晚渡遙遙一葉隨鷗鷺

鷓鴣天

九月十三日攜家遊夏氏林亭燕集作并送湯詞

小榭幽園翠箔垂雲輕日薄淡秋暉菊英露浥
淵明徑藕葉風吹叔寶池 酬素景泥芳卮老
人癡鈍強伸眉懽華莫遣笙歌散歸路從教燈
影稀

又

婆律香濃氣味佳玻璃仙盃進流霞凝膏清滌
高陽醉靈液甘和正焙芽 香染指浪浮花加

丹陽詞

三

汲古閣

選禮盡客還家貫珠聲斷紅囊散踏影人歸素
月斜

點絳脣

縣坐愁
坐作

秋晚寒齋藜床香篆橫輕霧閑愁幾許夢逐芭
蕉雨雲外哀鴻似替幽人語歸不去亂山無
數斜日荒城鼓

行香子

愁况無
聊作

風物颼颼木落滄洲漸老人不奈悲秋羈懷都

在鬢上眉頭似休文瘦文通恨子山愁 庭梧
影薄籬菊香浮強招尋聊命朋儔窮通皆夢今
古如流且淵明徑子猷舫仲宣樓

訴衷情

清明寒食景暄妍花映碧羅天參差捍撥齊奏
豐頰擁芳筵 逢誕日揖真仙託爐煙朱顏長
似頭上花枝歲歲年年

水調歌頭

程良器嘉量別賦一闕
紀泛舟之會往返次韻

丹陽詞

四

汲古閣

夜泛南溪月光影冷涵空棹飛穿碎金電翻動
水精宮橫管何妨三弄重醑仍須一斗知費幾
青銅坐久桂花落襟袖覺香濃 庾公閣子猷
舫與應同從來好景良夜我輩敢情鍾但恐仙
娥川后嫌我塵容俗狀清境不相容擊汰同情
賞賴有紫溪翁

又

下瀨驚船駛揮塵恐尊空誰吹尺八寥亮嚼徵

更舍宮坐愛金波漱濫影落蒲萄漲綠夜漏儘
移銅回棹攜紅袖一水帶香濃 坐中客馳雋
辨語無同青鞵黃帽此樂誰肯換千鍾岩壑從
來無主風月故應長在賞不待先容羽化尋煙
客家有左仙翁

又

勝友欣傾蓋羈宦懶書空愛君筆力清壯名已
在蟾宮蕭散英姿直上自有練裙葛帔豈待半

通銅長短作新語墨紙似鴉濃
山吐月溪泛艇率君同吾儕
轟飲文字樂不在歌鍾今夜長
風萬里且倚泓澄浩蕩一爲洗
塵容世上閑榮辱都付塞邊翁

木蘭花

與諸人
泛溪作

木蘭干外池光闊午夜喬林迷
岸樾掠船涼吹起青蘋縈水
歌聲欺白雪檀郎響趁紅牙節
胡語嘈嘈仍切切人生何樂似
同襟莫待驪駒

聲慘咽

滿庭霜

任昉嘗爲新安太守風流名迹
圖經史牒具載感今懷古作

百不爲多一不爲少阿誰昔仕吾邦共推任筆
洪鼎力能扛不爲桃花祿米讎書倦一葦橫江
招尋處徒行曳杖曾不擁麾幢山川真大好
魚磯無恙密嶺難雙聽訟訴多就樵場僧窗歲
月音容遠矣風流在遐想心降雲煙路揆奇弔
古時爲酌空缸

丹陽詞

六

汲古閣

醉蓬萊

天寧節作

望蔥蔥佳氣虹渚祥開斗樞光遶析木天津正
靈暉騰照鷺綴分班象胥交貢奉御觴清曉玉
殿寒輕金徒漏永瑞爐煙裊萬寓均歡示慈
頒燕壽祝南山慶均鳧藻縹緲紅雲望九重天
表舞獸鏘洋抃鼇欣戴度管絃聲杳曆草長新
蟠桃永秀與天難老

西江月

正月十七日與文中自邑境徧遊歙縣神門山水十九日在黟邑同

靈觀夜

燕作

羈宦新來作惡窮
途誰肯相從追攀十日水雲
中情誼知君獨重
寂寂回廊小院冥冥細雨
尖風鳳山香雪定應空
昨夜疎枝入夢

又

山鎮紅桃阡陌煙迷綠水人家
塵容誤到只驚嗟骨冷玉堂
今夜莫對佳人錦瑟休辭洞府
流霞峯回路轉亂雲遮
歸去空傳圖畫

南鄉子

三月望日與文中諸賢泛舟南溪作

柳岸正飛綿，選勝齋輕澆碧漣。笑語忘懷機事，盡鷗邊萬頃溪光，上下天。
菰葦久延緣，不覺遙峯靄算煙。對酒莫嫌紅粉陋，嬋娟自有孤高，月婦仙。

浣溪沙

木芍藥詞

可惜隨風面，旋飄直須燒燭看。嬌嬈人間花月更無妖，濃麗獨將春色殿，繁華端合衆芳朝。

南床應爲醉淘淘

又

通白輕紅溢萬枝
濃香百和透豐肌
丹山威鳳勢將飛
玉鏡臺前呈國豔
沉香亭北映朝曦
如花惟有上皇妃

又

鬪鴨欄邊曉露沾
華堂醉賞軸珠簾
插花人好手纖纖
遮護輕寒施翠幄
標題仙品露牙籤

舟場詞

汲古閣

詞人遺恨獨江淹

西江月

次韵林茂南
博士把泛溪

山外半規殘日雲邊一縷餘霞滿城飛雪散茗
花萬頃溪連罨畫柳憚風流舊國鶴齡瀟灑
人家肯嗟流落在天涯雲水從今起價

又

代監
酒和

晚路交游綠酒平生志趣青霞霜風時節近黃
花泛宅舟將鷁畫不分兩溪明月夜深只屬

漁家今朝清賞寄情涯肯向縈塗索價

蝶戀花

和王廉訪

風過漣漪紋縠細十指香檀驚破交禽睡野蔌
溪毛真易致風流未減蘭亭會擊汰千艘供
洛襖映水垂楊萬縷拖濃翠小海一聲波上戲
慇懃畱客千金意

臨江仙

燕諸部使者

自古吳興稱冷僻孤城水浸鄰鄰回星難望使

車塵如何三日飲併有五行人
文似枚臯加敏速記書易若張巡
幙中無用却嘉賓他年浮棗會莫忘兩溪春

又

千古烏程新釀美玉觴風過粼粼歌聲未辦起
梁塵九天持斧客來作繡衣人
夙有辭華驚乙覽傳聞獻頌東巡未應握節久賓賓一封馳
詔旨却醉上林春

又

與葉少蘊夢得上已遊
法華山九曲池流盃

小槎洪河分九曲飛泉環遶粼粼青蓮往事已
成塵羽觴浮玉甃寶劍捧金人綠綺且依流
水調蓬蓬插鼓催巡玉堂詞客是佳賓茂林脩
竹地大勝永和春

定風波

與葉少蘊陳經仲彥文燕
駱駝橋少蘊作次韻二首

千疊雲山萬里流坐中碧落與鼇頭真意見嬉
吾已領煙景不辭捧詔久汀洲老去一官真

子集言 一 十
是漫溪岸獨餘此與未能收畱與吳兒傳勝事
長記赤欄橋上攬清秋

又

共喜新涼大火流一聲水調聽歌頭況有脩蛾
兼粉領佳景謝公無不礙滄洲平昔短檠真
大漫氣岸老來都向酒盃收雲水光中修禊事
猶記轉頭不覺已三秋

浣溪沙

少蘊內翰同年寵速且出後堂
并製歌詞侑觴卽席和韻二首

今夜風光戀渚蘋，欲教四角出車輪。
金釵離立座生春，神女恍驚巫峽夢，
飛瓊原是閨風人。
詔封後院寵儒臣。

又

溪岸沉澗屬泛蘋，傾城容貌此推輪。
可憐虛度二年春，算算來時騷客賦，
朝朝新處後庭人。
天畱花月伴羈臣。

又

少蘊內翰同年寵連遣
妓隱簾吹笙因成一闋

東道慇懃玉笋飛華燈傾國擁珠璣玉奴嫌瘦
玉環肥 縹緲幸聞緱嶺曲參差猶隔夏侯衣
放開雲月出清輝

瑞鷓鴣

和通判
送別

兩年人住豈無情別棄辭華四水清何事千鍾
勤飲餞故知一別未能輕 解龜雖幸樊籠出
挂席還愁海汐平江艸江花都是淚驪駒休作
斷腸聲

浪淘沙

將去南陽作

步屨對東風細
揆春工百花堂下牡丹叢
莫恨使君來便去
不見鞞紅霧眼一衰翁
無意芳穠年來結習已成空
寄語國香雕檻裏
好爲人容

驀山溪

天穿節和朱刑掾二首

望雲門外油壁如流水
空巷逐朱旛
步春風香河七里冶容
裋服摸名道
宜男穿翠靄
度飛橋

影在清漪裏 秦頭楚尾千古風流地 試問漢
江邊有解珮行雲舊事主人是客一笑強頒春
燒燈後賞花前遙憶年年醉

又

春風野外卵色天如水魚戲舞綃紋似出聽新
聲北里追風駿足千騎卷高門一箭過萬人呼
雁落寒空裏 天穿過了此日穿名地橫石俯
清波競追隨新年樂事誰憐老子使得縱遨遊

爭捧手乍憑肩夾道遊人醉

又

出門西笑千里長安道不用引離聲使登榮十
洲三島画舫珠箔蘋末水風涼隨柳岸楚臺人
景與人俱好 應嗟見晚玉殿生清曉正是妙
年時步承明謀身須早輶車膚使新逐凱歌回
恩綉重綵衣輕嘉慶知多少

西江月

二首一連水東樓燕集一泛舟

豔曲醉歌金縷朱門高聳銅鑲中天樓觀共躋
攀飛絮落花春晚 低映綠陰朱戶斜拖素練
滄灣銀鈎華榜五雲間奕奕蛟龍字綰

又

靺鞨斜紅帶柳琉璃漲綠平橋人間風月正新
妖不數江南蘇小 恨寄飛花蕪蕪情隨流水
迢迢鯉魚風送木蘭橈回棹荒雞報曉

又

與王庭錫
登燕集作

清樾已生晝寂孤花尚表春餘象床筠簟燕堂
虛初過晚涼微雨 珪璧新來北苑鱸魚未減
東吳捧觴紅袖透香膚不浥翔龍煙縷

又

叔父慶八十會作

瑞獸香雲輕裊華堂繡幙低垂人生七十尚爲
稀况是鈞璜新歲 登俎青梅的皜明欄紅藥
芳菲天教眉壽過期頤常對風光沉醉

浣溪沙

賞荷

樓子包金照眼新香根猶帶廣陵塵翻堦不羨
掖垣春 不分與花爲近侍難甘溱洧贈閑人
如羞如怨獨含顰

虞美人

酬衛卿
弟兄贈

三年曾不窺園樹辛苦螢窗算怪來文譽滿清
時柿葉書殘猶自日臨池 春秋新學早繁露
黃卷聊堪語家人不用寄龜詩行看昇平樓外

化龍婦

又

一輪丹桂窅窳樹光景疑非算天公著意在茲
時掃盡微雲點綴展清池樽前金奏無晨露

只有君房語驪駒客莫賦歸詩東道留連應賦

不庸歸

一作共踏青槐
碎影夜闌歸

瑞鷓鴣

工部七月
一日生辰

火風欲避金風至秀氣充閭初降瑞去家丁令
却歸來還燕懸弧當日地金章紫綬身榮貴

壽福天儲昌又熾怪來一歲四遷官還過當生
元太歲

鵲橋仙

七

鵲橋仙偶天津輕渡却笑嫦娥孤皎平時五夜
似經年問何事今宵便曉雲車將駕神夫畱
戀更吐心期多少支機休浪與閑人莫倚賴芳
心素巧

江城子

呈劉無言燾

浮家重過水晶宮
五年中事何窮
無恙山溪鬢影落青銅
欲向舊遊尋舊事
雲散彩水流東
苔花向我似情鍾
舞霜風雪濛濛
應怪史君顏鬢便衰翁
賴是尋芳無素約
端不恨綠陰重

又

和無言
雪詞

飛身疑到廣寒宮
玉花中與何窮
酒貴旗亭誰是惜
青銅飄瞥三吳真
妙絕銀萬里失西東
草堂紅蠟煥歌鍾
賞空濛豐頰修眉鶴
鬢擁仙

丹陽詞

十六

汲古閣

翁欲作鸚鵡花底客清漏永禁城重

蝶戀花

章道祖
侏生日

安石榴花濃綠映解慍風輕乍改朱明令袞繡
元臣門戶盛童孫此日懸弧慶 夜宴華堂添
酒興□□除書遠帶天香賸欲浥茗波供續命
不須龍渡江心鏡

南鄉子

九日用玉局翁韵
作呈坐上諸公

晴日亂雲收人在蘋香柳暉洲溪上清風樓上

醉颼颼共折黃花插滿頭
佳客獻還酬不負
山城九日秋
茗碧下青供
醑酊休休
楚客當年
浪自愁

又

拂檻曉雲鮮
銷暑樓危竦
半天曾是攜賓當薦
九開筵度水
縈山奏管絃
黃菊映華顛
千騎
重來已六年
樓下東流當日水
依然更對周旋
舊七賢

丹陽詞

漱古壩

減字木蘭花

薛舉明二侍姬至葛山觀梅薛公會作

葛山仙隱尚有餘膏
畱舊鼎十里梅花夾道爭
看袞繡華 人間妙麗竝侍黃扉
開國貴僻壤 孤芳羞澀
尊前不敢香

臨江仙

上巳日遊海昌王氏園吳宰劬及中散兄

倦客身同舟不繫輕帆來訪
儒仙春風元已豔 陽天天桃
方散錦高柳欲飛綿 千古海昌佳
絕地雙鳧暫此畱連通宵娛客
破芳尊蘭亭脩

禊事梓澤醉名園

又

席上和呈中散兄及吳令

寶觀岩堯飛雉堞登臨恍欲升
仙野桃官柳襯吳天
春風寒食夜遺恨在封綿
聞道東溟才二里
銀濤直與天連
□□□□□□□□
尊□□□□□□□
□□消渴解文園

減字木蘭花

公弼姪初授官

辛勤場屋未遇知音
甘陸陸詔錄遺忠
一扎天

丹陽詞

十八

汲古閣

書下九重 鵝城初命此
太青雲應漸近解褐
恩新今歲吾家第四人

又

病起不見
杏花作

杏花零亂擬把百觚來判斷
病臥漳濱不見枝
頭鬧小春 吾衰老矣一醉花前
猶不遂情緒
厭厭虛度韶光又一年

虞美人

自蘭陵歸冬夜
飲嚴州酒作

嚴陵灘畔香醪好
遮莫東方曉
春風益益入寒

肌人道霜濃臘月我還疑
紅爐火熟香圍坐
梅蕊迎春破一聲清唱解人頤
人道牢愁千斛
我誰知

鷓鴣天

玉瑄還飛換歲灰定山新棹酒船回
年時梁燕
雙雙在肯爲人愁便不來
衰意緒病情懷
玉
山今夜爲誰頹
年時梅蕊垂垂破
肯爲人愁便
不開

西江月

送衛卿弟
赴定遠簿

萬卷舊推鴻博一官且慰蹉跎升平樓下賜危
科曾對顛昂黼坐燕領從來骨貴鸞栖尚屈
才多今宵且共入無何遠定功名么麼

浪淘沙

十月十九
夜賞菊

我愛菊花枝浥露偏宜旋移佳種一年期照眼
黃金三徑爛可但東籬秋老摘花吹敢恨開
遲只愁一夜便香衰待插滿頭年大也且泛芳

卮

鷓鴣天

賞菊
二首

黃菊鮮鮮帶露濃
小園開遍度香風
自芻玉醞
酬朝色旋洗霜須
對晚叢
香在手莫匆匆
尋芳今夜有人同
黃金委地新
收得莫道山翁到
底窮

又

采采黃花鵲彩濃
吹開一夜爲霜風
已邀騷客

子易同

及古割

陶元亮不用歌姬盛小叢
秋易老莫匆匆齊
山高興古今同欲知此地花多少
一眼金英望
不窮

木蘭花

十二月二十
日廬妙生辰

談圍曾蔽青綾帳
林下中年敦素尚
煙波偶趁
一帆風却鎖雲扃
來就養
自從悟得空無相
身把虛空來作樣
大千沙界抹爲塵
未比無生
真壽量

醉花陰

次韵
印師

東皇已有來歸耗十里青山道凍拚萬林梅一
夜粧成似趁鳴雞早年時清賞曹同到先仗
遊蜂報抖擻舊心情一笑酬春不羨和羹詔

浣溪沙

賞
梅

東閣郎官巧寫真西湖處士妙傳神嫣然一笑
臍前春鬪好雖無冰骨女相宜幸是雪髯人
且煩疎影入清尊

又

飲

槃裏明珠芡實香
尊前堆雪膾絲長
何妨羌管奏伊涼
翠葆重生無復日
白波不醕有如江
壁間醉墨任淋浪

臨江仙

章圃賞瑞香二首

二月風光濃似酒
小樓新溼青紅碧
琉璃色映群峰
更攜金鑿落來賞
錦薰籠
調客舊畱
月旦此花清軟
纖穠未饒
蘭蕙轉光風
赤欄呈

雅豔翠幙護芳叢

又

雪壁歌詞題尚溼春風又見輕紅一枝斜插映
頭峰不辭連夜賞銀燭透紗籠 白髮欺人今
老矣尊前羞見繁穠清香尤嫪虎溪風海棠須
避席佳種謾蠶叢

浣溪沙

賞餘
醉

一夜狂風盡海棠此花天遣殿群芳芝蘭百濯

見其香 勸客淋浪燈底酌 鬪人魂夢枕邊囊
一枝口插不口口

鵲橋仙

涼颼破暑清歌縈坐缺月稀星庭戶瓜華艸艸
具盃盞喜共池初筵零露 天孫東處牽牛西
望勸汝一盃清醕精靈何必待秋通爲一洗朦
朧今古

臨江仙

二月廿二日
錦鯊閣賞花

檻外奇葩江外種，嬌春未減鞞紅。畫樓晴日歛
雲峯，佛香來海岸，蜀錦薦燈籠。今夜那憂殺
風景，酒花來鬪妖濃。江梅冷淡避春風，明朝來
縱賞，應醉綺羅叢。

蝶戀花

次韵張千
里駒照花

二月春遊須爛熳，秉燭看花，只爲晨曦短。高舉
蠟薪通夕看紅光，萬丈騰天半。寄語平時遊
冶伴，不負分陰勝事，輸今段。燈火休催歸小院。

慙勤更照桃花面

又

再次韻于里駒照花

百紫千紅今爛熳舉燭輝花莫厭燒今短酒裏
逢花須細看人生誰是英雄半安得紅顏爲
老伴妙舞花前楊柳誇身段已倒玉山迴竹院
清香不斷風吹面

又

已過春分春欲去千炬花間作意畱春住一曲

清歌無誤顧遶梁餘韻歸何處
盡日勸春春不語紅氣蒸霞旦
看桃千樹才子霏談更五鼓
剡看走筆揮風雨

浪淘沙

九月十八日與
千里賞菊三首

又見菊花新色淺香勻
老人衰病臥漳濱
雖是無聊仍止酒
幸有嘉賓不用怨蕭辰
不似芳春請看金蕊照金尊
今夜花前須醉倒
直到黎明

丹陽詞

二十四

汲古閣

又

歌闕鬪清新檀板初勻画堂新築太湖濱好是
黃花開應候聊宴親賓上客卽逢辰况是青
春上林關宴錫堯尊今夜素娥真解事偏向人
明

又

娛老小亭新丹堊初勻萬枝金菊遶溪濱折向
華堂遮醉眼聊用娛賓紅燭夜香辰廣坐生

春月波新釀入芳尊好向花前拚爛醉不負承
明

魯邦常之雖不逮李氏為氏父子所誤一詞報流
傳好竹枝詞真紹聖間俱負海內重望其詞之
能入雅字常之胸惡集余梓行忍久復訂丹
陽詞一卷以公因好如魯邦出受大略已詳鴻慶
序中矣海亭毛晉淺

丹陽詞

嬾窟詞

目錄

水調歌頭 四調

瑞鶴仙 三調

滿江紅 五調

水龍吟 一調

多麗 一調

念奴嬌 三調

風入松 三調

遙天奉翠華引 一調

驀山溪 一調

鳳皇臺上憶吹簫 一調

蝶戀花 一調

清平樂 二調

玉樓春

二調

秦樓月

一調

新荷葉

一調

菩薩蠻

十五調

西江月

二調

青玉案

三調

昭君怨

一調

四犯令

一調

鷓鴣天

四調

朝中措

七調

點絳脣

二調

蘇武慢

一調

阮郎歸

三調

浪淘沙

一調

踏莎行

二調

浣溪沙

三調

眼兒媚

一調

漁家傲

二調

臨江仙

二調

柳梢青

二調

杏花天

一調

江城子

一調

南歌子

一調

瑞鷓鴣

一調

天仙子

一調

醉落魄

三調

減字木蘭花

一調

散橋仙

一調

婦容言

一

二

湯古摩

嬾窟詞目錄

終

嬾窟詞

宋侯寘

水調歌頭

題嶽麓
法華臺

曉霧散晴渚秋色滿湘山青鞵黃帽快與名士
共躋攀窈窕深林幽谷詰曲危亭飛觀俛首眎
塵寰長嘯望天末餘響下雲端白鶴去荒井
在汲清寒醒然毛骨浮丘招我御風還拂拭蒼
崖苔蘚一寫胸中豪氣渺渺洞庭寬山鬼善呵

嬾窠詞

汲古閣

護千載照層巒

又

上饒送程伯禹尚書

涼吹送溪雨落日散汀鷗
算天空闊無際層巒
綠蛾浮上印初辭
藩寄拂袖欣還故里
歸騎及中秋倚杖飽山閣
回首翠微樓一區宅千里
客舊從遊甘棠空有餘蔭
誰解挽公留翰墨文章
獨步富貴功名餘事
當代仰風流暫蠟登山
屐終作濟川舟

又為鄭子禮
提刑壽

湘水照秋碧，衡岳際天高。
繡衣玉節，清曉歡傾擁旌旄。
本是紫庭梁棟，暫借雲臺耳目，駟傳小遊遨。
五筦與三楚，醲愛勝春醪。
埽欖槍蘇耄，倪載弓橐，遠民流戀，須信寰海荷甄陶。
坐享龜齡，鶴算穩，佩金魚玉帶，常近赭黃袍。
歲歲秋月底，沉醉紫檀槽。

又為張敬夫
直閣壽

天地孕冲氣霜雪實嘉平粹然經世材具應爲
聖時生妙處爲仁受用顛倒縱橫無壅一笑泮
春冰袖手無一語四海已傾情紫岩老遊戲
事悟誠明當年夷夏高仰玉振更金聲家有淵
騫高弟可但聞詩聞禮衣鉢要相承周宸絢餘
彩商鼎味新羹

瑞鶴仙

送張丞罷
官歸柯山

楚山無際碧湛一溪晴綠四郊寒色霜華弄初

日有玉明遙草金鋪平磧天涯倦翼更何堪臨
岐送客念飛蓬斷梗無蹤把酒後期難覓 愁
寂梅花顚顚茅舍蕭疎倍添悽惻維舟岸側留
君飲醉休惜想柯山春晚還家應對菊老松堅
舊宅嘆宦游索寞情懷甚時去得

又

爲劉信叔
大尉壽

溥天氣浸廓看慶綿鴻祚勛昭麟閣蕃宣換符
鑰占西南襟帶遍口油幙湘流繞郭藹一城和

氣霧薄聽嘈嘈比屋歡聲共說吏閒民樂遙
想薌霏晃暝翠擁屏深曉風傳樂瓊腴緩酌花
陰淡柳絲弱任松凋鶴瘦蓮欹龜老丹頰常如
舊渥趁天申去押西班牙奉觴御幄

又詠會
笑

春風無檢束故倡條冶葉恣情丹綠口鶯喧燕
宿似東鄰北里都無貞淑高情恨感歎何時重
見桂菊又誰知天上黃姑埽盡晚春餘俗幽

獨鉛華不御翡翠帷深鬱金裙
蕪長眉瞭目媯然態倚脩竹
縱青門瓜美江陵橘老怎比無窮
臙馥最難禁扇底橫枝惱人睡足

滿江紅

中秋上劉
恭甫舍人

天闊江南秋未老空江澄碧江外月飛來千丈
水天同色萬屋覆銀清不寐一城踏雪寒無跡
況楚風連陌競張燈如元夕山獠靜棠陰寂
秋稼盛香醪直聽子城吹角青樓橫笛君不見

蘇仙翻醉墨一篇水調鏘金石念良辰美景賞
心時誠難得

又

困頓春眠無情思夢魂飄泊簷外雨霏霏冉冉
乍晴還落山黛四圍頻入眼柳絲一縷低縈閣
念沈郎多感更傷春腰如削風入戶香穿箔
花似舊人非昨任遊蜂雙燕經營拂掠海闊錦
魚傳不到洞深紫鳳期難約謾綵牋牙管倚西

窗題紅藥

又

和徐叔至御帶

重到西湖春拆信
露花酥滴倚危欄
湖山佳處短屏著色擬泛一舟
蒼莽岸恐傷萬里羈游客
賴款門修竹有高人留狂迹
傾蓋意真相得
詩句裏曾相識看
戛然飛動筆端金石照眼光
浮瓊液滿斷腸翠擁宮靴窄
問多情還肯借青鸞
通消息

又

再用
韻

老矣何堪隨處是春衫酒滴醉狂時一揮千字
貝光玉色失意險爲湘岸鬼浩歌又作長安客
且棄流除却五侯門無車跡驚人句天外得
醫國手塵中識問鼎槐何似臥雲欹石夢裏略
無軒冕念眼前豈是江湖窄拚蠅頭蝸角去來
休休姑息

又

和江
亮采

甚矣吾衰徒自苦飢腸爲孽嗟寸祿區區留戀
形疲心竭江湖一生真可羨塵埃永晝何堪說
似鈍刀終歲斲空山寧無缺 拚放浪休豪傑
秋水漲歸期決儘鳧長鶴短任渠分別芒屨夜
尋溪上酒葛巾曉挂松間月向丹霄傳語舊交
游慵非拙

水龍吟

老人
壽詞

夜來霜拂簾旌深雲麗日開清曉香猊金燠冰

壺玉嫩佳辰寒早橘綠橙黃袖紅裙翠一堂歡
笑正梅妃月姊雪肌粉面爭粧點瀟湘好莫
惜芳樽屢倒擁羣仙醉遊蓬島東床俊選南溟
歸信一時俱到鬢影搖春命書紆錦子孫環繞
看他時歸去飛觴石澗侍甘泉老

多麗

帝城春玉堂深處飛煙想聖人恩隆內職左璫
押賜傳宣綵衣明瑤觴膝下花晝永錦瑟樽前

富貴從來功名餘事鼎彝勒通筆如椽向中禁
瑣窗偷覷王母語當年清平世衣冠是誰三世
甘泉 記年時翹才獻壽小詩曾沆苔牋望三
槐雲霞交映照五彩袞繡相鮮當日非諛如今
方信門人稱頌是師言況自有兩宮醲眷卜夢
亦徒然看指日鼎新化爐一氣陶甄

念奴嬌

和王
聖俞

滄浪萬頃厭塵纓手掬清流頻洗落日孤雲煙

渚淨鷗沒澄波心裏一舸橫
秋雨兩橈開浪霜竹醒
煩耳蕭蕭風露夢回月照船尾
須信閒少忙多壺觴并賦詠
莫辜雲水乘興前溪溪又轉
隱約歸帆天際紅蓼丹楓黃蘆白竹
總勝春桃李浮丘何在與君共誇琴鯉

又

競春臺榭媚東風
迤邐繁紅成簇
方霽溪南簾繡捲
和氣充盈華屋
金煥香爨玉鳴舞
珮春筍

調絲竹烏衣宴會遠追王謝高躅 藉甚四海
聲名林泉活計未許翁知足日日江邊沙露靜
人溪東來雕轂八錦行持五禽遊戲已受長生
錄袞衣蟬冕最宜雙鬢凝綠

又探梅

衰翁愁甚向尊前手撚一枝寒玉想見梅臺花
更好一片瓊田栖綠短轡輕與大家同去取酒
償醲馥元來春晚萬苞空間黃竹 休恨雪小

雲嬌出羣風韻已覺桃花俗羯鼓聲高回笑臉
怎得天公來促江上風平嶺南人遠誰度單于
曲明朝酒醒但餘詩興天北

風入松

西湖戲作

少年心醉杜韋娘曾格外疎狂錦箋預約西湖
上共幽深竹院松窗愁夜黛眉顰翠惜歸羅帕
分香重來一夢覺黃梁空煙水微茫如今眼
底無姚魏記舊游凝竚淒涼入扇柳風殘酒點

衣花雨斜陽

又

東樓煙重暗山光
春意墮微茫
小紅嫩綠勻如
剪黯無言雲渡澄
江沒處與人消遣
倚闌情寄斜陽
共君今夜舉清觴
投老各殊方
癡兒官事何時了
恨花時潘鬢先霜
喚取客帆聊住將
子同下瀟湘

又

再用
韵

霏霏小雨惱春光
煙水更瀾茫
昨宵把酒高歌處
任一聲雞唱清江
顛顛杏花如許
情懷應似東陽
宿醒猶在
莫傳觴清悶
苦無方
幾時玉杵藍橋路
約雲英同搗玄霜
冷落黃昏
庭院夢回家
在三湘

遙天奉翠華引

雪消樓外山正
秦淮翠瀨回瀾
香梢豆蔻紅輕
猶怕春寒
曉光浮画戟
捲繡簾
風煥玉鈎
閑紫

府仙人花園羽帔星冠
蓬萊閬苑意倦游常
戲世間佩麟舊都江左
襦袴歌歡只恐催歸覲
賸宴都休訴酒盃寬明
歲應看君釣容舞袖歌
鬢

驀山溪

建康郡園
賞芍藥

玉麟春晚綠徧甘棠蔭
可是惜花深旋移得翻
堦紅影朱簾捲處如在
古揚州寶瓔珞玉盤盃
嬌豔交相映
蓬萊殿裏幾樣春風鬢
生怕逐

朝雲更羅幙重重遮定多情絳蠟常見醉時容
縈舞袖款歌塵莫負良宵永

鳳皇臺上憶吹簫

陽至節戲
呈同官

玉管灰飛雲臺珥筆東君飈馭將還又正是霜
花巧剪梅粉初乾窈窕紅窗髻影添一線組繡
工閒瀟湘好雪意尚遙綠占羣山應思少年
壯氣貪遊樂追隨玉勒金鞍更化日舒長贏得
覓醉謀歡去口桑榆趁煥任從教潘鬢先斑猶

狂狂揮翰快寫春寒

又

再用韵
贈黃宰

塵暗雙鳧菊明山徑何妨勸羽知還最好是詩
翁醉後瓶罄壘乾一笑東風打耳心無競遠與
春閑時□地覓伴訪梅尋勝登山清時俊材
定用看捧詔春郊月露濡鞍況表識買臣貴骨
琴瑟逾歡好向玉堂視草金章映萊子衣斑山
人去蔥帳夜雨空寒

又再用韵
詠梅

浴雪精神倚風情態百端
遊勒春還記舊隱溪
橋日算驛路泥乾曾伴先生
蕙帳香細細粉瘦
瓊閑傷牢落一夜夢回腸斷
家山空教映溪
帶月供遊客無情折滿雕鞍
便忘了明窗靜几
筆研同歡莫向高樓噴笛
花似我蓬鬢霜斑都
休說今夜倍覺清寒

又
蠟梅用
前韵

淺染霓裳輕勻漢額巫山行雨方還最好是肌
香蠟瑩萼嫩紅乾曾見金鐘在列鈞天罷筍簾
都閒妖饒似曉鏡乍開綠沁眉山 休誇瘦枝
疎影湘裙窄一鉤龍麝隨鞍便更做山人倦賞
畏冷無歡爭奈冰甌彩筆題詩處珠琲爛斑清
宵永相對莫放盃寒

蝶戀花

次韵張子
原尋梅

雪壓小橋溪路斷獨立無言霧鬢風鬟亂拂拭

冰霜君試看一枝堪寄天涯遠
擬向南隣尋酒伴折得花歸醉著
歌聲緩姑射夢回星斗轉
依然月下重相見

清平樂

詠橄欖
燈毬兒

縷金剪綵茸縮同心帶整整雲鬟宜簇戴雪柳
鬧蛾難賽休誇結實炎州且看指面纖柔試
問苦人滋味何如插鬢風流

又

忍寒情味枝染薔薇水攬照清溪花影碎笑殺
小桃穠李 一生占口春妍偏宜月露娟娟欲
寄江南春去亂鷗點破雲牋

玉樓春

市橋燈火春星碎街鼓催歸人未醉半嗔還笑
眼回波去欲更留眉斂翠 歸來短燭餘紅淚
月淡天高梅影細北風休遣雁南來斷送不成
今夜睡

又

次中秋閏月表
舅晁仲石韻

今秋仲月逢餘閏月姊重來風露靜未勞玉斧
整蟾宮又見冰輪浮桂影尋常經歲睽佳景
閱月那知還賞詠庾樓江闊碧天高遙想飛觴
清夜永

秦樓月

與楊君孜
月夜泛舟

天一色玉槃冷浸瀟湘碧瀟湘碧短亭繫纜隔
江聞胡床對坐涼生腋通宵說盡狂蹤跡狂蹤

跡少年心事老來難得

新荷葉

金陵府會
鼓子詞

柳幄飛綿風池煥泛新萍燕壘泥香玉麟堂外
春深晴雲麗日花濃處蜂蝶紛紛償春一醉管
絃聲裏歡聲 況是清時錦衣重到臺城故國
江山向人依舊多情趁閑行樂休辜負冶葉繁
英彤庭歸覲恁時難駐前旌

菩薩蠻

湖上
卽事

樓前曲浪歸橈急樓中細雨春風溼終日倚危
闌故人湖上山高情渾似舊只枉東陽瘦薄
晚去來休裝成一段愁

又

小女淑君索
賦晚春詞

東風吹夢春醒惡瑣窗淡淡花陰薄一夜曲池
平小窗雲惝明綠輕眉嬾暈香淺羅衣潤未
見海棠開捲簾雙燕來

又

餞田
莘老

江風漠漠寒山碧孤鴻聲裏霜花白画舸且停
橈有人魂欲銷相從能幾日總是天涯客尺
素好頻裁休言無雁來

又

茶縻

東君管盡閒花草紅紅白白知多少末後一奩
香綠庭春晝長道人心似海夢冷屏山外莫
剪最長條從教玉步搖

又

東風捲盡欺花雨，月明皎紙庭前路。月底且論詩，從教露溼衣。明朝愁入緒，各自東歸去。後夜月明中，綠尊誰與同。

又

木犀十詠
帶月

綠帷剪剪黃金碎，西風庭院清如水。月姊更多情，與人無際明。濃陰遮玉砌，桂影冰壺裏。滅燭且徜徉，夜深應更香。

又

披風

靚粧金翠盈盈晚凝情有恨無人管何處一簾
風故人天際逢從教香撲鬢只怕繁華盡牢
落正悲秋□非誰解愁

又

照溪

江梅占盡江頭雪忍寒玉骨誇清絕不似杜秋
娘婆娑秋水傍波光涵晚日照影從教密隱
隱認遙黃隔溪十里香

又

灑露

黃昏曾見凌波步無端暝色催人去一夜露華
濃香銷蘭菊叢縷金衣易溼莫對西風泣洗
盡夜來粧溫泉初賜湯

又

命觴

休文多病疎盃酌被花惱得心情惡碧樹又驚
秋追歡懷舊遊與君聊一醉醉倒花陰裏斜
日下闌干滿身金屑寒

又

替

交刀剪碎瑠璃碧深黃一穗瓏鬆色玉蕊縱妖
嬈恐無能樣嬌綠窗初睡起墮馬慵梳髻斜
插紫鸞釵香從鬢底來

又熏沈

黃姑青女交相忌眼看塵土占芳蕊急埽滿闌
金小奩熏水沈博山銀葉透濃馥穿羅袖猶
欲問鴻都太真安穩無

又來夢

午庭栩栩花間蝶翅添金粉穿瓊葉曾見羽衣
黃瑤臺淡薄粧醒來魂欲斷摻摻芳英滿夢
裏尚偷香何堪秋夜長

又寫真

霓裳舞罷難留住湘裙緩若輕煙去動是隔年
期生綃傳豔姿精神渾似舊碧暗黃金瘦永
夜對西窗何緣襟袖香

又

怨別

揉香嗅蕊朝還暮，算無端，却被西風，悞底死欲留。
伊金塵，款款飛。茂陵頭已白，新聘誰相得，耐
久莫相思。年年秋與期。

西江月

金鼎香銷沈麝，碧梧影轉闌干。可庭明月綺窗
閑。簾幙低垂不捲。一自高唐人去，秋風幾許
摧殘。拂簷脩竹韻珊珊。夢斷山長水遠。

又

贈蔡仲常
侍兒初嬌

豆蔻梢頭年紀芙蓉水上精神幼雲嬌玉兩眉
春京洛當時風韻 金縷深深勸客雕梁款款
飛塵主人從得董雙成應忘瑤池宴飲

青玉案

東園餞母舅晁
閣學鎮歸川

東風一夜吹晴雨小園裏春如許桃李無言情
難訴陽關車馬灞橋風月移入江天算 雙旌
明日留難住今夕清觴且頻舉咫尺清明三月
算尋芳賓客對花盃酌回首西江路

又爲外大父林
下老人壽

年年寓屋稱觴處陪綵綬尊前舞
牢落瀟湘歸去未
臆梅開遍冰蟾圓後夢斷靈溪路
長年厚福天分付算四海今獨步
澗竹岩花如舊否與翁相伴歲寒
庭戶儘占閒中趣

又戲用賀方回韻
餞別朱少章

三年牢落荒江路忍明日輕帆去
冉冉元真暗度江山無助風波有險
不是留君處梅花

萬里傷遲算驛使來時望佳句我拚歸休心已
許短篷孤棹綠蓑青笠穩泛瀟湘雨

昭君怨

亦名宴西園

晴日烘香花睡花豔浮盃人醉楊柳綠絲風水
溶溶 留戀芳叢深處嬾上錦韉歸去待得牡
丹開更同來

四犯令

月破輕雲天淡注夜悄花無語莫聽陽關牽離

緒拚醕酖花深處
明日江郊芳草路
春逐行人去
不似醪醖開
獨步能著意
留春住

鷓鴣天

縣圃約同
官賞海棠

萬點臙脂落日烘
坐間酒滿散微紅
誰教豔質
撩潘鬢
生怕朝雲逐楚風
尋画燭照芳容
夜深兩行錦燈籠
朱唇翠袖休凝竚
幾許春情睡
息中

又

蜀錦吳綾剪染成東皇花令一番新風簾不礙
尋巢燕雨葉偏禁鬪草人非病酒不關春恨
如芳草思連雲西樓角畔雙桃樹幾許濃苞等
露勻

又

賞芍藥

夢想當年姚魏家尊前重見舊時花雙檠分焰
交紅影四座春回粲晚霞盃漱灑帽欹斜夜
深絕豔愈清佳天明恐逐行雲去更著重重翠

幙遮

又

送田簿秩
滿還雪川

只有梅花是故人
歲寒情分更相親
紅鸞跨碧江頭路
紫府分香月下身
君旣去我離群
天涯白髮怕逢春
西湖蒼莽煙波裏
來歲梅時痛憶君

朝中措

雙頭芍藥

翻堦紅藥競芬芳
著意巧成雙
須知揚州國豔

舊時曾在昭陽 盈盈背立同心對綰聯萼飛
香牢貯深沈金屋任教蝶困蜂忙

又

建康大雪戲呈
母舅晁畱守

漏雲初見六花開驚巧妬江梅飄酒元戎小隊
玉粧旌旆歸來 恩同化手春回隴畝懽倒尊
罍記取明朝登覽綠漪惟有秦淮

又

謝郭道深惠
菊有二小鬟

露英雲萼一般清揉雪更雕瓊預喜重陽登覽

大家插帽浮觥 分香減翠殷勤遠寄珍重多情不似綺窗雙豔向人解語傾城

又

依微春綠遍江干煙水小屏寒惆悵雁行南北新詞不忍拈看 從今寄取臨風把酒役夢忘
飡飛絮落花時候扁舟也到孤山

又

風簾交翠篆香飄却暑捲輕綃最好佳辰相近

如名言 二十一
壽觴對飲連宵 仙翁未老雲中跨鳳臺上吹
簫看取他年榮事魚軒入侍塗椒

又

元夕上潭師
劉共甫舍人

年來玉帳罷兵籌燈市小遲留花外香隨金勒
酒邊人倚紅樓 沙堤此去傳柑侍宴天上風
流還記月華小隊春風十里潭州

又

爲雲
菴壽

年年重午近佳辰符艾一番新滿酌九霞奇醞

壽君兩鬢長春 閨中秀美何如賦得林下精
神早辦荆釵布袖共爲雲水閑人

點絳脣

金陵府會
鼓子詞

春日遲遲柳絲金淡東風軟綠嬌紅淺簾幙飛
新燕 玉帳優游贏得花間宴香塵遠暫停歌
扇沈醉深深院

又

約莫香來倚闌低瞰花如雪怨深愁絕瘦似年

時節 歲一相逢常是囟囟別歌壺缺又還吹
徹笛裏關山月

蘇武慢

湖州趙守
席上作

暗雨收梅晴波搖柳萬頃水精宮冷橋森画棟
岸列紅樓兩岸翠簾交映天上行舟鑑中開戶
人在蕊珠仙境況吟煙嘯月彈絲吹竹太平歌
詠 人盡說銅虎分賢銀潢儲秀鞏固行都藩
屏棠陰散暑鼎篆凝香永日一庭虛靜紅袖持

觴綵箋揮翰適意酒豪詩俊看飛雲丹詔行沙
金勒待公歸觀

阮郎歸

和邢公珪

莫欺騎省鬢邊華曾眠蘇小家綵絲縈腕剪輕
霞菖蒲酒更嘉人別後歎飛花雲山和夢遮
吳牋小字寫流沙幾行秋雁斜

又

爲邢魯仲小鬟賦

美人小字稱春嬌雲鬟玉步搖淡粧濃態楚宮

腰梅枝雪未消
拚惱亂儘妖嬈
微窩生臉潮
算來虛度可憐宵
醉魂誰與招

又

爲張丞壽

薰風吹盡不多雲
曉天如水清
哦松庭院忽聞
笙簾疎香篆
明蘭玉盛鳳和鳴
家聲畱漢庭
狨鞍長傍九重城
年年雙鬢青

浪淘沙

曉日掠輕雲
霜瓦鱗鱗
大朝山色儼如新
家在

洞庭南畔住身在江濱
華髮照烏巾無意尋
春空將兩袖拂飛塵
可惜梅花開近路
惱盡行人

踏莎行

王午元宵戲姜
元汝功參議

元夕風光中興時候
東風著意催梅柳
誰家銀字小
笙簧倚闌度曲黃昏後
撥雪張燈解衣
貰酒觚稜金碧
聞依舊
明年何處看昇平
景龍門下燈如晝

又約雲菴
尋梅

雪意初濃雲情已厚黃昏散盡扶頭酒不知牆
外夜來梅忍寒漆得疎花否 休更熏香且同
攜手從教策策輕寒透亭兒直下玉生煙暗香
歸去霑襟袖

浣溪沙

三衢陳
翁上作

客裏昏昏夢帝州故人相遇一盃休疎梅些子
最清幽 雙綰香螺春意淺緩歌金縷楚雲留

不知粧鏡若爲儔

又

次韻王子
升紅梅

倚醉懷春翠黛長
肉紅衫子半窺牆
蘭湯浴困
嬾勻粧
應爲長年食絳雪
故教丹頰耐清霜
弄晴飛馥笑馮唐

又

次韻杜唐
佐秋懷

春夢驚回謝氏塘
篋中消盡舊家香
休文多病
怯秋光
空對金盤承瑞露
竟無玉杵碎玄霜

醉魂飛度月宮涼

眼兒嬌

效易
安體

花信風高雨又收
風雨互遲留
無端燕子怯寒
歸晚閑攢簾鉤
彈棋打馬心都懶
攏掇上春愁
推書就枕
鳧煙淡淡
蜨夢悠悠

漁家傲

過盡百花芳艸滿
柳絲舞困
闌干煥
柳外秋千
裙影亂
人逐伴
舊家心性如今嬾
斗帳寶香

疑不散黃昏院落鶯聲晚紅葉不來音信斷疎
酒盞東陽瘦損無人管

又

小舟發
臨安

本是瀟湘漁艇客錢塘江上鋪颿席兩處煙波
天一色雲羃羃吳山不似湘山碧 休費精神
勞夢役鷗鳧難上銅駝陌擾擾紅塵人似織山
頭石潮生月落今如昔

臨江仙

約同官
出郊

嬾省詞

二十七

汲古閣

一抹煙林屏樣展輕花岸柳無邊連朝春雨漲
平川粲粲迎社鼓渺渺下陂船 同事多才饒
我嬾乘閒縱飲郊園髻花欹側醉巾偏時豐容
率歲遊樂更明年

又 同官招飲
席上作

失脚青雲何所往故山松竹應秋癡兒官事幾
時休可憐雙白鬢斗粟尚遲畱 尊酒偷閒聊
放曠夜涼河漢西流從教孤笛噴高樓與君同

一醉明日旋分愁

柳梢青

贈張丞

小院輕寒酒濃香軟
深沈簾幙我輩相逢歡然
一笑春在盃酌
家山辜負猿鶴軒冕意秋雲
似薄我自西風扁舟歸去看君寥廓

又

送呂子紹守峽

楚天清絕葦岸蘭汀
素秋時節簾捲湘鬟香飛
雲篆耐看輕別
明朝底處關山
算總是愁花

恨月白馬江寒黃牛碇靜小梅初徹

杏花天

豫章重午

寶釵整鬢雙鸞鬪睡來醒熏風襟袖綵絲皓腕
宜清晝更艾虎衫兒新就玉盃共飲菖蒲酒
願耐夏宜春廝守榴花故意紅添嫩映得人來
越瘦

江城子

萍鄉王聖俞席上作

萍蓬蹤跡幾時休儘飄浮爲君畱共話當年

少氣橫秋莫嘆兩翁俱白髮今古事盡悠悠
西風吹夢入江樓故山幽謾回頭又是手遮西
日望皇州欲向西湖重載酒君不去與誰遊

南歌子

爲呂聖
俞壽

菊潤初經雨橙香獨占秋碧琳仙釀試新筍內
集熙熙休試蟻浮甌家世傳黃閣功名起黑
頭雙鳧聊傍故人舟咫尺青雲岐路看英遊

瑞鷓鴣

送晁伯如
舅席上作

遙天拍水共空明玉鏡開
匿特地晴極目秋容
無限好舉頭醉眼暫須醒
白眉公子催行急
碧落仙人著句清
後夜蕭蕭葭岸一尊獨酌
見離情

天仙子

宴五侯
席上作

暎日麗晴春正好楊柳池塘風弄曉
露桃雲杏一番新
花窈窕香飄縵玉帳靚溪聞語笑
新賜繡韉花映照須信濃恩春共到
漢家飛將久

宣勞迎禁詔瞻天表入衛帝庭常不老

醉落魄

夜靜
聞琴

銅壺漏歇紗窗倒挂梅梢月玉人酒暈消香雪
促軫調絃彈个古離別 雛鶯小鳳交飛說嘈
嘈軟語丁寧切相如欹枕推紅氍脉脉無言還
記舊時節

又

梅花似雪雪花却似梅清絕小窗低映梅梢月

常記良宵吹酒共攀折
如今客裏都休說
瀟瀟洒洒情懷別
夜闌火冷孤燈滅
雪意梅情分付
漆園蝶

又

玉鈎珠箔夜涼庭院
天墜幙好風吹動綸巾角
羽扇休揮已怯絺衣薄
扁舟明日清溪泊
歸來依舊情懷惡
爲君喚月驂鸞鶴
天近多寒滿飲金盃落

減字木蘭花

春醒拚却鷓鴣一聲花雨落蜜炬紅殘人在青
羅步障間天公薄相慣得柳綿高百丈綵筆
題詩休誦騷人九辨詞

鵲橋仙

和蔡子周

鶴髮蕭森玉顏腴潤養就黃芽金鼎一區松菊
老湘濱但心遠何妨人境 衮衣家世鳴鸞歌
舞到了春冰消盡不須惆悵夢中身這彩選輸

嬾窟詞

三十一

汲古閣

羸誰省

羞面東武人昆氏甥也謂功之誰甚焉以玉樹喜
青玉案朝中措瑞鶴鶴請調情見乎初矣其席
上送以云後極當無事一榻獨酌見離情
不讓徐勉送客曲奔別先生病美成如能作情
語羞面強能作情誰省一海雲字玉樹淺

嬾窟詞